

Хичээл №13

# Монгол Улсын төрийн бэлгэдэл



ҮНДСЭН ОЙЛГОЛТ

7А ангийнхан цахим  
уулзалт хийж байна.

Багш: Сайн  
байцгаана уу?  
Хүүхдүүд ээ, зуны  
амралтаа зугаатай  
өнгөрөөж байна  
үү?

Багш: Маргааш 7 дугаар сарын  
10-ны өдөр. Төрийн далбааны өдөр  
тохиох болно. Ангиараа Төрийн  
далбааны өдөрт зориулсан цэргийн  
жагсаалыг үзэцгээе.


Хүүхдүүд:

Багш аа, Сайн  
байна уу?





Энэ бол Монгол Улсын Төрийн далбаа.  
Төрийн далбаа нь улаан, хөх, улаан  
хосолсон өнгөтэй байна. Далбааны  
дундах хэсгийн хөх өнгө мөнх тэнгэрийн,  
түүний хоёр талын улаан өнгө нь мандан  
бадрахын бэлгэдэл юм.



Далбааны ишин талын улаан дэвсгэрт  
Соёмбо байрлуулна. Далбааны өргөн,  
урт нь 1:2 харьцаатай байна.




Их цагаан туг гол сүлд,  
түүнийг тойрсон найман  
элч бага сүлднээс  
бүрдэнэ.

Төрийн туг



Есөн хөлт Их цагаан туг бол Монгол Улсын Төрийн туг юм. Үндэсний их баяр наадмын үеэр Төрийн тугийг цэнгүүлж, баярын өдөр наадмын төв талбайд хүндэтгэн зална. Есөн хөлт цагаан туг нь Монголын төр ариунаар мандан бадрахын бэлгэдэл билээ.

Аан, Төрийн далбаа,  
Төрийн туг  
хоорондоо ялгаатай  
юм байна шүү дээ.





Чандмань - өнгөрсөн, одоо,  
ирээдүй гурван цагийг  
бэлгэднэ.



Алтан соёмбо, эрдэнийн  
хүлэг - Монгол Улсын  
тусгаар тогтнол, бүрэн эрхт  
байдал, цог хийморийг  
илтгэнэ.



Ариун цагаан өнгийн  
бадам цэцэг суурь



ТӨРИЙН СҮЛД

Харин энэ бол Төрийн сүлд.  
Монголын ард түмний түүхэн  
уламжлал, хүсэл тэмүүлэл, эв  
нэгдэл, шударга ёс, цог  
хийморийг илэрхийлнэ.



Дугараг хөх дэвсгэр - мөнх  
тэнгэрийг бэлгэднэ.



Түмэн насан хээ -  
төгсгөлгүй үргэлжлэн  
дэлгэрэхийг бэлгэднэ.



Уулан хээ - эх газрыг  
төлөөлнө.



Хадгаар сүлжсэн хүрд -  
ашид дэвжихийг бэлгэднэ

Хүүхдүүд ээ! Өглөө бүр хичээл эхлэхийн өмнө ямар дуу дуулдаг билээ?

Төрийн дуулал!



Энэ бол Төрийн тамга



Төрийн тамга

Төрийн тамга нь дөрвөлжин хэлбэртэй, голдоо Төрийн сүлдтэй, сүлдний хоёр талаар Монгол Улс гэсэн бичээстэй, арслангийн дүрс бүхий бариултай байна.

Төрийн тамгыг ганц хувь хийдэг бөгөөд Монгол Улсын Ерөнхийлөгч барина.

Монгол Улсын Төрийн дууллын үгийг Ц.Дамдинсүрэн бичиж, хөгжмийг Б.Дамдинсүрэн, Л.Мөрдорж нар зохиосон юм.



Бид төрийн  
бэлгэ тэмдэгт  
хүндэтгэлтэй  
хандах ёстой.

Төрийн дууллыг  
эгшиглүүлэхэд бүх  
хүн босож, дуулж  
хүндэтгэнэ.

За хүүхдүүд  
ээ, маргааш  
өглөө 10.00  
цагт  
Сүхбаатарын  
талбайд  
уулзацгаая.

Хүүхдүүд ээ, Төрийн сүлд, туг,  
далбаа, тамга, дуулал нь төрийн  
бэлгэ тэмдэг бөгөөд Монгол  
Улсын тусгаар тогтнол, бүрэн  
эрхт байдлын бэлгэдэл юм.





Манай ангийнхан Төрийн  
далбааны өдөрт зориулсан  
Улаанбаатар цэргийн хүрээний  
анги, нэгтгэлүүдийн ёслолын  
жагсаалыг үзэж сонирхлоо.

Үнэхээр эх орноо  
хайрлах бахдам  
сайхан сэтгэгдэл  
төрлөө.



ҮҮНИЙГ МЭДЭХ ҮҮ?

Дэлхийн бусад улс орнууд ч гэсэн Төрийн далбааны өдрийг тэмдэглэдэг. Энэ өдөр нь тухайн улсын тусгаар тогтнол, эв нэгдлийг илэрхийлэх нэг баяр болдог.



Оросын Холбооны Улс  
8-р сарын 22



Америкийн Нэгдсэн Улс  
6-р сарын 14



## ТҮЛХҮҮР ҮГ

ТӨРИЙН  
БЭЛГЭДЭЛ

ТУСГААР  
ТОГТНОЛ

БЭЛГЭ  
ТЭМДЭГ


БҮРЭН ЭРХТ  
БАЙДАЛ

Найзууд аа! Үнэхээр сонирхолтой байгаа биз? Эдгээр түлхүүр үгийн утгыг бие биедээ тайлбарлаж өгөөрэй.



## ДАСГАЛ АЖИЛ

Дасгалын хуудсанд Төрийн бэлгэ тэмдгийг тайлбарлан бичнэ үү.



## ХЯНАЛТЫН АСУУЛТ

1. Төрийн бэлгэ тэмдэгт юу юу багтах вэ?
2. Төрийн бэлгэ тэмдэгт хэрхэн хүндэтгэлтэй хандах ёстой вэ?
3. Улс орнууд яагаад Төрийн далбааны өдрийг тэмдэглэдэг вэ?
4. Бусад улсын Төрийн далбааны өдрийг олж мэдэж, бусадтайгаа хуваалцаарай.